



ბრძანება N 01-02/66

2024-2025 სასწავლო წლისთვის ევროპის უმაღლეს საგანმანათლებლო დაწესებულებებში საერთაშორისო მობილობის მონაწილე ბსუ-ს საბაკალავრო საგანმანათლებლო პროგრამების სტუდენტთა გამოვლენის მიზნით კონკურსის ჩატარებისა და საკონკურსო კომისიის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „საერთაშორისო გაცვლითი პროგრამების ადმინისტრირების წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს №01-06/89 დადგენილების, აჭარის ავტონომიური რესპუბლიკის განათლების, კულტურისა და სპორტის სამინისტროსა და ბსუ-ს შორის 2024 წლის 23 მაისს გაფორმებული №04-07/128 ურთიერთთანამშრომლობის შეთანხმებისა და ბსუ-ს სტრატეგიული განვითარებისა და საერთაშორისო ურთიერთობების დეპარტამენტის უფროსის 2024 წლის 24 მაისის №573171 სამსახურებრივი ბარათის საფუძველზე

ვბრძანებ:

1. 2024-2025 სასწავლო წლისთვის აჭარის ავტონომიური რესპუბლიკის განათლების, კულტურისა და სპორტის სამინისტროსა და ბსუ-ს შორის 2024 წლის 23 მაისს გაფორმებული №04-07/128 ურთიერთთანამშრომლობის ფარგლებში ევროპის უნივერსიტეტებში, საერთაშორისო მობილობის მონაწილე ბსუ-ს საბაკალავრო საგანმანათლებლო პროგრამის სტუდენტების გამოსავლენად გამოცხადდეს კონკურსი და განისაზღვროს შემდეგი ვადები და კრიტერიუმები:
  - 1.1. კონკურსში მონაწილეობის მსურველთა მიერ წარმოდგენილი საკონკურსო დოკუმენტაციის (ბსუ-ს აკადემიური საბჭოს 2019 წლის 14 აგვისტოს №06-01/89 დადგენილებით განსაზღვრული) მიღება ელექტრონულად, სტუდენტური პორტალის მეშვეობით - 2024 წლის 27 მაისიდან - 07 ივნისის ჩათვლით 15:00 საათამდე.
  - 1.2. საბუთების შემოწმება და შეფასება - 2024 წლის 10 ივნისი (საბუთების შემოწმებასა და შეფასებას დადგენილი კრიტერიუმების მიხედვით უზრუნველყოფს სტრატეგიული განვითარებისა და საერთაშორისო ურთიერთობების დეპარტამენტი);
  - 1.3. ტესტირება/გამოცდა ინგლისურ ენაში (ინგლისური B2) - 2024 წლის 11 ივნისი, 11:00 საათი - ბსუ-ს საგამოცდო ცენტრი, №4 კორპუსი, მის: ქ. ბათუმი ფიროსმანის ქ. №12 (არანაკლებ ინგლისური ენის (B2) ცოდნის დამადასტურებელი სერტიფიკატის არსებობის შემთხვევაში, კონკურსანტი თავისუფლდება ტესტირებიდან);
  - 1.4. გასაუბრება კომისიასთან - 2024 წლის 12 ივნისი;

1.5. ბსუ-ში ჩატარებული კონკურსის შედეგად ნომინირებული სტუდენტების შესახებ ინფორმაციის მიწოდება მიმღები უნივერსიტეტებისათვის - არაუგვიანეს 2024 წლის 14 ივნისისა (აჭარის ავტონომიური რესპუბლიკის განათლების, კულტურისა და სპორტის სამინისტროსთვის მიმღები უნივერსიტეტებიდან დასტურის მიღებისთანავე).

2.დამტკიცდეს წინამდებარე ბრძანებით გამოცხადებული კონკურსის ჩატარების მიზნით **საკონკურსო კომისიის შემადგენლობა:**

- ა) მერაბ ხალვაში - თავმჯდომარე, რექტორი;
- ბ) ანზორ ბერიძე - თავმჯდომარის მოადგილე, რექტორის მოადგილე;
- გ) თამარ სირაძე - რექტორის მოადგილე;
- დ) ვლადიმერ ღლონტი - ხარისხის უზრუნველყოფის სამსახურის ხელმძღვანელი;
- ე) მარინე გიორგაძე - სტრატეგიული განვითარებისა და საერთაშორისო ურთიერთობების დეპარტამენტის უფროსი;
- ვ) ნანა ყურშუბაძე - სტრატეგიული განვითარებისა და საერთაშორისო ურთიერთობების დეპარტამენტის უფროსის მოადგილე, ერაზმუს+ კოორდინატორი ბსუ-ში;
- ზ) მარინა პაქსაძე - აჭარის ავტონომიური რესპუბლიკის განათლების, კულტურისა და სპორტის სამინისტროს პროფესიული და უმაღლესი განათლების განყოფილების უფროსი;
- თ) ბსუ-ს შესაბამისი ფაკულტეტების დეკანები.

3.კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ და წინამდებარე ბრძანების შესაბამისად.

4.ბრძანება გამოქვეყნდეს ბსუ-ს ვებგვერდზე.


5.წინამდებარე ბრძანებით გამოცხადებული კონკურსის შესახებ განცხადების ტექსტი მომზადდეს სტრატეგიული განვითარებისა და საერთაშორისო ურთიერთობების დეპარტამენტის მიერ და გაეგზავნოს საინფორმაციო ტექნოლოგიების სამსახურს - ბსუ-ს ვებგვერდზე განთავსებისათვის, ხოლო სასწავლო პროცესის დეპარტამენტს - ბსუ-ს პორტალზე განთავსებისათვის.

6.ბრძანება სახელმძღვანელოდ და აღსასრულებლად დაეგზავნოს რექტორის აპარატს, ადმინისტრაციის ხელმძღვანელს, რექტორის მოადგილეებს, ხარისხის უზრუნველყოფის სამსახურს, ფაკულტეტებს, სასწავლო პროცესის დეპარტამენტს, სტრატეგიული განვითარებისა და საერთაშორისო ურთიერთობების დეპარტამენტს, საინფორმაციო ტექნოლოგიების სამსახურს და კომისიის წევრებს.

7.ბრძანება ძალაშია ხელმოწერისთანავე.

8.ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მის: ქ. ბათუმი, ს. ზუბალაშვილის ქN30).

რექტორი, პროფესორი

 მერაბ ხალვაში